

La Bibia di s'cecc
presenta

La nassuda del Gesù



Scrivuda da: Edward Hughes

Illustrada da: M. Maillot
Alastair Paterson

Adatada da: E. Frischbutter; Sarah S.

Voltada da: Alessandro Cavalli

Produsida da: Bible for Children
www.M1914.org

©2022 Bible for Children, Inc.

Licenza: l'è consentida la stampa e la reproduzion di test;
interdida la vendita.

1

Sossen temp fa, Dee l'ha mandad
l'ansgiol Gabriel ad ona dolza
giovinna versgina Sgiudea de nom
Maria. El gh'ha did "Te gh'hareet
on fioeul e el so nom el sarà
Gesù. El sarà ciamad el

Fioeul del
Voltissem. Lu el
regnarà per
l'eternità."



2

"Coma l'è possibel?" L'ha demandad la tosa maravejada. "Sont mai stada cont nissun om". L'ansgiol el gh'ha did a la Maria che el s'cet el sariss vegnud da Dee. El ghe sarà nissun pader terren.



3

Despoeu l'ansgiol el gh'ha did a la Maria che la soa cusina Elisabetta l'era in sul punt d'havegh on s'cet in età adulta. Anca quest chi a l'era on miracol. Poeugh despoeu, la Maria l'è andada a visità l'Elisabetta e insem a hann lodad Dee.



4

Maria a l'era in sul punt de maridà on om che el se ciamava Isep. L'Isep l'è vegnud trist quand che l'ha savud che la Maria la specciava on s'cet. El pensava che on olter om a l'era el so pader.



5

In d'on soeugn, l'ansgiol de Dee el gh'ha did a l'Isep che quest s'cet chi l'era el fioeul de Dee. L'Isep l'hariss havud de iutà la Maria in del curà el Gesù.



6

L'Isep el gh'ha havud fidanza e l'ha oeubedid a Dee. Lu el gh'ha oeubedid anca ai lesg del so pajes. A motiv d'ona noeuva lesg, lu e la Maria hann lassad el lor pajes,



Bethlem, per pagà i tasse.

7

Maria l'era in sul punt d'havegh el s'cet. Nepunemanch l'Isep l'è mià riussid a troevà ona stanza da nissuna part. Tute i locande i eren impiegnide.



8

L'Isep l'haveva finalment troevad ona stalla. Li l'è nassud el s'cet Gesù. La soa mader la gh'ha mètud in d'ona majadora, on sit in dova de solet el vegniva mètud el pacià per i nimai.



9

Li arent, menter i pastor i eren adree a sorvejà el lor rosc che l'era a soa voeulta adree a dormì, l'ansgiol de Dee l'è vegnud

voltra e el gh'ha dad la maravejosa notizzia.



10

"Incoeu in de la zità del David l'è nassud on Salvador che l'è el Crist Segnor. Troevaree el s'cet in de la majadora."



11

De stich, sossen olter ansgioi inn vegnud voltra, e menter i lodaven Dee e i diseven "Gloria a Dee in di Scei

e pas in su la terra,

ai om de bon voeurè."



12

I pastor i s'inn pessegacc per andà a la stalla. Despoeu d'havègh vitud el s'cet, i hann did a tucc quej che incontraven quell che i i ansgioi i gh'hann did in sul Gesù.



13

Quaranta di despoeu, l'Isep e la Maria i hann menad el Gesù al tempi de Gerusalem. Li on om ciamad Simeon l'era adree a lodà Dee per el s'cet, menter l'Anna, on'oltra servidora del Segnor la ghe rendeva grazzia.



14

Tucc du i saveven che el Gesù a l'era el fioeu de Dee, el Salvador impromètud. L'Isep l'ha sacrificad du ovej. Questa chi a l'era l'insubida de la lesg de Dee che i persone poevare i gh'haveven de menà quand che el s'cet l'era appena nassud e el vegniva presentad al Segnor.



15

On quai de temp despoeu, ona stella speciala l'ha guidad di Om Savi da vun pajes de Matena a



16

Gerusalem. "In dova l'è quell che l'è el Re di Sgiudee?" i hann demandad. "El voeurom lodà".

El re Erod l'ha sentud parlà de quist om chi. El gh'ha demandà de digh in dova l'è che l'hariss troevad el Gesù. "Anca mi el voeuri lodà" l'ha did l'Erod. Nepunemanch l'era adree a cuntà su ona balla desgià che l'Erod el voeuveva copà el Gesù.




17

La stella l'ha guidad i om in del sit esat in dova la Maria e l'Isep i viveven cont el s'cet. Mètud in genoeucc per adorà, i viasgiador hann insubid al Gesù di rich cadò in or e parfum.



18

Dee l'ha recomandad ai om de tornà indree a ca in segret. L'Erod a l'era inversad fess. Determenad in del mazzà el Gesù, el malign soran l'ha copad tucc i s'cecc mas'c de Bethlem.



19

Nepunemanch l'Erod el poeudeva mià fà del mal al fioeu de Dee! Vertid in d'on soeugn, l'Isep l'ha ciapad la Maria e el Gesù per menai al segur in Egit.



20

Quand che l'Erod l'è
moeurud l'Isep l'ha
remenad la Maria
e el Gesù in
Palestina.



I hann vivud in de la zità de
Nazareth, arent al Mar de Galilea.

21

La nassuda del Gesù


vuna storia da la Parolla de Dee, la Bibia

Se troeua in

Mattee 1-2, Luca 1-2

"L'access a Parolla la ghe da luz."
Salmo 119:130

22



36

60

23

Ol Signoi al sa c'am fem robi sbagliai, che Lu al
ciamà pecad. A conseguenza d'ol pecad l'è la morti.

Ol Signoi al ma ama insci tanto che l'ha mandad ol so
fioeul Gesù a muì su ona croci a pagà per ol nostro
pecad. Gesù l'è resuscitad e l'è andeid in Scell! Mò ol
Signoi al podi perdonà i nostar pecai.

Sa te voeui abandonà i to pecai, parla con ol Signoi e
dighi: Caro Signoi, men a credo che Gesù l'è morto par
men e che mò al vivi. Ta prego da ignì in daa me vita e
da perdonà i me pecai insci a podo comincià ona vita
noeua e passà ol resto da a eternità insem a Ti.
Otami a vivi par Ti compagn on to fioeul. Gioan 3:16

Legi a Bibbia e parla cont ol Signoi tuti i dì!

24